

14
PAX INTER BELLA QUIESQVE,

^{qua}
in ipso natali
Serenissimi Celsissimique Principis ac Domini,

**DOMINI
WILHELMI
ERNESTI,**

Ducis Saxoniae, Juliae, Cliviae ac Montium,
Angariae & Westphaliae,
Landgraffii Thuringiae, Marchionis Misniae, Comitis Henne-
bergiae, Comitis Marcae ac Ravensbergae, Dynastae in
Ravenstein,

Domini ac Patris Patriae nostri Clementissimi
die XXX, Octobr. Anno M. DCC.

Cum omnium piorum fideliumque
^{subditorum gaudiis,}
inter vota ac supplicia devotissimorum feliciter
^{auspicisque redeunte,}
quanta maxima fieri potuit humilitate
^{delineata,}

ad Orationem encomiasticam, hac ipsa festivi-
tate Genethliaca,
in summa devotionis ac pro liberali mensa
^{euxagisias esse.}

a
Discipulo primae Classis pientissimo juxta modestoque
^{ac industriissimo}
ZACHARIA RHOSTIO. Mega-Brembach.
Serenissimum nostrum Antonino Pio

comparaturo
&
adepta jam in academiam abeundi venia,
valedicturo

crastino die hora IX. antemeridiana nomine Alumnorum
^{publice recitandam.}

Omnes Megistanes hujus urbis, statores litera-
rum ac Fautores salutis publicae perofficose ac
^{amiciter invitat}

PHILIPPVS Großebaur / Rect. Vinar.

VINARIAE, Literis MÜLLERIANIS, Typogr. Aul.

30/10 1700

14



Ævus adhuc armisque potens spectacula Mavors
Tristia, profuso sanguine, Teuto, dedit
Non fuit hostili tellus certamine tuta,
Qua rubet Eoo candida sole dies;
Quave sub occiduo condens jubar æquore Titan,
Aurea luciferis frena resolvit equis.

Nam Mahometigenæ Phlegethontia femina gentis
Vastarunt gladio Pannonis arva suo.

His similes curvis Saturni falcibus enses,
Atque venenoso spicula felle madent.

Corneus heu quantos Germanos sustulit arcus,
Quique celer ventos vincere possit, eques!

Innocuo rubuit commixtus sanguine, truxque
Evolvit rigidas corniger Ister aquas.

Ingemuit Sava, Dravusque cohorrui atrox,
Vidit ut ad ripas funera strata suas.

Fulmine contremuit belli Germania tota,
Cinxerat ut muros Turca, Vienna, tuos.

Cornua Danubius septemplex curva retorfit,
Et stomachosus ait: Dace quid ista? tace.

Aspice de turri lunam tua signa bicornem,
Qua sancti debes fœderis esse memor.

Nulla Saraceno fuit ast reverentia legum:
Obtento perit fasque pudorque fago.

Et pietas divina Getis & fœdera savis,
Et ferro jacuit iudice strata fides.

Hinc male tergemini cesserunt prœlia lustris,
Perfidiaque Scythis Mars ferus ultor erat.

Terga dabat retro fugiendo barbarus hostis,
Ad te se facta clade, Tybisce, gemens.

Subdidit ast tandem Gnosas gens fracta pharetras,
Et Leopoldino colla superba iugo.

Interea prono qua se se lumine Titan
Condit, Teutonia Gallus adurit agros.

Hic feritate Getis non dispar fulminat ense,
Quem capit in jugulum stringere, Teuto, tuum.

Bastarnæ crepuere suis hastisque Sicambri,
Atque manus manibus conseruere feras.

Frangere Vangiones Gallorum gesta trucesque,
Sunt ausi frameis signa cruenta suis.

Hinc ruit hostilis denso mox agmine turba,
Atque fodit gladiis ora latusque ferox.

Effundit tantâ lacrimas ex clade Thuiscon,
Pignora quum sava Marte peremta videt.

Rheni devictus radit jam marmora tonsis,
Et tremulus segnes navita findit aquas.

Subiectos Nicrum ludit Mœnumque Garumna,
Qui pandit tumidæ carbasa plena rati.

Denique post ignes, cades, post multa refulfit
Prœlia pax, nobis quam, male Galle, dabas.

Fama per Europæ vix dum volitaverat agros,
Halcyonum nitidos jam rediisse dies;

Ecce Lycaonia tempestas surgit ab Arcto,
Et furit horrifona grandine nimbus atrox.


Atto-

Attonitus sua stat vertens farraca Boötes
 Et spissa sidus nube recondit iners.
 Nam movet Arctois gelidi maris accola Cimber,
 Holfatos contra signa cruenta viros.
 Tonningæque quatit suffossos ariete muros,
 Et pia malleolis templa domosque ruit.
 Martius at Banirus sic propugnacula servat,
 Ut dare cogatur Cimbrica turba fugam.
 Holfato sociat Quelphus sua castra manusque,
 Flumen ut undosum transit, Albi, tuum.
 Jungit hyperboreo septem subjecta trioni
 Gens, qua balistis Hafnia pressa fuit.
 Scilicet & Danis Sveci, quibus Amphitrite,
 Balthica lambit humum, bella nefanda cient.
 Latius hinc sese fundunt incendia belli,
 Et capiunt ripas incluta, Riga, tuas.
 Nam procul à Viadro Polonus acinace cinctus,
 Livoniæ pingves depopulatur agros.
 Mœsta Duina rubet, Svecis tot vulnera passis,
 Et quod spumiferis Saxo sit haustus aquis.
 Cernimus & Moschos superasse Borysthenis oras,
 Narvæ clausuros ostia tuta trabe.
 Barbarus hic miles vino confusus adusto,
 Ense virosque necat, delet & igne domus.
 Alter in alterius sic viscera sævit, ut olim
 Gens, quæ Cadmeo semine nata fuit.
 Nec sic acta furit rabie Gangetica tigris,
 Si qua vel est catulis orba læna suis.
 Ast fremat Arctophylax custos Erymanthidos ursæ,
 Et vagus horrendo Vistula Marte furat;
 Principe sub nostro Wilhelmo, quemque, repulsis
 Armorum curis, pax requiesque fovet.
 Cujus natalis duplicato sole refulget,
 Ex animoque suo nubila densa fugat.
 Corporis hoc vires animique videmus adauctas:
 Mite serenata fronte coruscat ebur.
 Candida malarum facies: os purpura tingit;
 Utraque subrubuit sparsa pudore gena.
 Sicuti Cyrrhæis multum spectabilis arvis,
 Quum movet Aoniam pulcer Apollo lyram.
 Aut velut à victis retulit qui vellera Colchis,
 Tyndarides, cygno progeneratus, erat.
 Hujus in auctumno revirescit vita salusque,
 Et rescit vires, quæ periere, novas,
 Tempore quo roseos deponit Flora capillos,
 Et rugas patiens langvida marcet anus.
 Tempore, quo viridi tellus non vernat in herba,
 Pallida sed glaucas contrahit imbre comas;
 Quo ruit irato furibundus turbine caurus,
 Hoc Dux natali luce nitente viget.
 Hoc Duce vel nobis, inter minitantia belli
 Fulmina, pax pleno sidere grata micat.
 Ipse per affines venator retia campos,
 Tendit & indicit bella nociva feris.
 Hunc sequitur Dorceus & Aello cursibus acer,
 Naribus Ichnobates, Lausus & Hippa virum,

Exci-

Excipit his cervum ramosâ fronte fugacem,
Donec ab infidiis, Delia casta, cadit.
Seu petit his apros, urfamve Libystida, in nullo
Spartaca terretur milite turba malo.
Pastor ad hæc ovium, densâ sub tegmine fagi,
Fessa per undisonas membra soporat aquas.
Mox, Amarylli, tuas modulatur carmine laudes,
Et canit in patulis te Melibœus agris.
Quicquid frugiferis durus demessuit arvis,
Id quatit aptato fuste colonus agri.
Tritaque sub fossas condit frumenta cavernas,
Aut grandi Cererem distrahit ære suam
Dum Pomona suos coluit felicior hortos,
Jam capit is largas fertilitatis opes.
Decerpit gravidis hirsuta cydonia ramis,
Hirtaque de tenera mespila fronde legit.
Castaneasque nuces & frangit amygdala septis,
Nux quoque de corylo Pontica grata placet.
Nec satis hoc: viti gemmantes detrahit uvas,
Et pede calcatas, vecte premente, domat.
Exin mellifluis spumat vindemia baccis,
Et vomit in patulos musta liquata lacus.
Vinitor hoc dulci miscet carchesia Baccho,
Et bibit, ut vitro stilla nec ulla micet,
Icto dum capiti fervor numerusque lucernis
Accedat, mens & sit tumulata mero.
Interea Corydon trahit ut fidusque Menalcas,
Ambo coronatis vina Calena scyphis;
Instruit anserulum Trojanum Fauna, veruque
Versatum cœnæ torret in igne caput.
Addit olus præpingve viro cum jure nigello,
Caseus in quadra, sæpe placenta placet.
Hisce dies dapibus fallunt, hæc gaudia captant,
Dux, sub præsidio femina virque tuo.
Exclamantque: Deus nobis hæc otia fecit,
Mars fremat, hoc pax est & duce grata quies.
Ergo natalis, quum læta reluxerit hora,
Pro vestra, Princeps, mitto salute preces;
Et quotiens nitido subducta crepuscula coelo,
Ortaque roriferæ tempora noctis erunt,
Et quum Leucothœe pulsus Hyperione stellis,
Extulerit roseas ore micante genas.
Vive diu, Princeps, ô Dux celsissime, vive,
Tempora natalis multiplicata vide.
Hanc voveo nobis optato Lucifer ortu
Advehat, hanc roseo sapius axe diem.
Tempora dum canis senii consperse capillis
Ibis ad astrorum regna quæta. Vale.





PAX INTER BELLA QUIESQVE,

qua
in ipso natali
Serenissimi Celsissimique Principis ac Domini,

DOMINI

WILHELMI
ERLEBACHII

Ducis Saxoniae, Electoris Palatinus
Montium,

Landgraffii Thuringiae, Comitis
Comitis Henne-
bergiae, Comitis Dynastæ in

Domini ac

Cum oratione

inter vota ac

quanta natiuitate

ad Orationem eandem

in summa

Discipulo primæ

ZACHARIAE
Serenissimi
-Brembach.
-Pio

crastino die hora

publice recitandam.

Omnes Megistanes hujus urbis, statores literarum ac Fautores salutis publicæ perofficose ac

amiciter invitat

PHILIPPVS Großgebaur / Rect. Vinar.

VINARIÆ, Literis MÜLLERIANIS, Typogr. Aul.



14
30/10 1700